

## BOTA BERTSOA!


**ZABALDU BEGIAK,  
BADATUZ ANIMALIAK!**

JULIO SOTO

 DOINUA: SOLDADU SARTU  
NINTZAN (TXIKITIN PARIAN)


1


Tximu urduri bat naiz  
noan aurkeztera,  
beti saltoka adar  
batetik bestera.

Amaren sabeletik  
noizbait etorria,  
buru marroia daukat,  
ipurdi gorria.

2

Kilker ñimiño bat naiz  
zango luzeekin,  
gozaten dut jolasten  
matxinsaltoekin.

Belar-izpi artera  
egiten dut ihes,  
entzun, entzungo nauzu  
baina ikusi ez.




## BOTA BERTSOA!



3

Ezkataz babesturik  
nago goi eta behe,  
igeri egiten dut  
flotagailu gabe.

Koloretsuak gara  
bai, amuarrainak,  
margolan bat dirudi  
gure bizkar gainak.



4

Hegan dakidan arren  
zozotzat naukate,  
berotasuna lumek  
ematen didate.

Famatu egin nintzen  
santa sekulako,  
bele bati ipurbeltz  
esan niolako.

5

Arrautza hautsi nuen  
ostikoz ondotik,  
sugandila berde bat  
naiz orduz geroztik.

Narrasean banabil  
eta zuk topatu,  
nahi baduzu saiatu,  
ezetz harrapatu!

